

Situata, Pjesa 2

Pas një mësimi në institut mbi martesën e përjetshme, Luisi dhe Ema të dy ndiejnë mbresën se duhej të bënin disa ndryshime dhe t'i mirëbesonin Zotit më shumë. Kur Luisi mbërrin në orën mësimore të institutit javën e ardhshme, ai ulet pranë Emës dhe prezanton veten e tij. Me kalimin e kohës, ata bëhen miq të mirë. Ata planifikojnë shumë veprimtari që u lejojnë atyre të kalojnë kohë së bashku e të mësojnë rreth njëri-tjetrit. Me kalimin e kohës, ata zhvillojnë ndjenja të forta për njëri-tjetrin.

Megjithatë, Ema ka disa shqetësime. Ajo ka një listë cilësish që dëshiron t'i ketë bashkëshorti. Luisi ka shumë prej këtyre cilësive, por jo të gjitha.

Luisi fillon të ndihet nervoz gjithashtu. Ai e do Emën, por ngaqë e ka parë se si është shpërbërë martesa e prindërve të tij, ai druhet se do të gabojë në zgjedhjen e personit me të cilën do të martohet. Ai e merr në shqyrtim me kujdes gjithçka që ka mësuar rreth Emës nga bashkëbisedimet dhe përvojat e tyre të shumta së bashku. Ai ndien se synimet e tyre përputhen dhe dëshiron që t'i kërkojë Emës të martohet me të, por ka ende kaq shumë faktorë të panjohur. Luisi lutet për një shenjë që Ema është zgjedhja e duhur. Deri tani, asgjë nuk ka ndodhur.

- Reflektoni mbi ato që mësuat nga pjesa 2 e materialit të përgatitjes. Çfarë mund ta ndihmonte Emën në lidhje me atë që po kërkon te një bashkëshort i mundshëm? Me çfarë problemesh mund të përballemi nëse pritshmëritë për një bashkëshort/e të mundshëm/me janë tepër të ulëta ose tepër të larta?
- Çfarë mund të jetë e dobishme për t'u kuptuar nga Luisi për gjërat që e frikësojnë atë? Çfarë mund të jetë e dobishme për t'u kuptuar prej tij rreth marrjes së zbulësës? (Nëse doni, mund të shqyrtoni pjesën 3 të materialit të përgatitjes.)
- Çfarë veprimtarish ose përvojash mund t'i ndihmojnë dy njerëz të zhvillojnë një miqësi e të mësojnë më tepër rreth cilësive, personaliteteve dhe vlerave të njëri-tjetrit? Cilat janë një ose dy cilësi të Shpëtimtarit që ju shpresoni t'i zhvilloni në përgatitje për martesën ose ndërsa vazhdoni në martesën tuaj?